



სრკ-ს სადისციპლინო რეგულაცია

## დანართი # 2

**სანქციები სრკ-ს სადისციპლინო რეგულაციით განსაზღვრული ქცევის კოდექსის დარღვევისთვის და არამართებული ქცევისთვის.**

ქცევის კოდექსის დარღვევისთვის და არამართებული ქცევისთვის, სადისციპლინო კომისია უფლებამოსილია დამრღვევ მოთამაშეს ან პიროვნებას და მათ სრკ-ს წევრ სუბიექტს დააკისროს ქვემოთ ჩამოთვლილი და/ან სხვა შესაბამისი სანქციები. მაგალითად, ეს შეიძლება იყოს:

- ა) გაფრთხილება, გაკიცხვა;
- ბ) ფულადი ჯარიმა და/ან განკარგულება ხარჯების ანაზღაურებასთან დაკავშირებით;
- გ) გაძევება ტურნირის და/ან მატჩების სერიის დარჩენილი ნაწილიდან;
- დ) მატჩის შედეგის გაუქმება და ერთერთი ან ორივე მონაწილე გუნდისთვის წაგების ჩათვლა;
- ე) მატჩის გადათმამება;
- ვ) საცხრილო ქულების დაკლება;
- ზ) სრკ-ს მიერ ორგანიზებული თამაშების დროს სათამაშო სივრცეში ან სათამაშო პერიმეტრში დაშვების აკრძალვა;
- თ) რაგბთან დაკავშირებულ ადმინისტრაციულ/ოფიციალური პირის თანამდებობებზე მუშაობის გარკვეული პერიოდით აკრძალვა;
- ი) ზემოთჩამოთვლილი და სხვა შესაფერისი სანქციების ნებისმიერი კომბინაცია;

### **მატჩის ოფიციალურ პირთა სიტყვიერი შეურაცხოვა**

მატჩის ოფიციალური პირების სიტყვიერი შეურაცხყოფის ფაქტის განხილვისას, სადისციპლინო კომისია, დაღვევის სიმძიმის შეფასებისას, ითვალისწინებს შემდეგ დეტალებს:

- ა) გამოყენებული შეურაცხმყოფელი სიტყვების უცენზურობის და სენსიტიურობის ხარისხს;
- ბ) გამოყენებული შეურაცხმყოფელი სიტყვების გამეორების სიხშირეს;
- გ) იყო თუ არა შეურაცხმყოფელი სიტყვები მატჩის ოფიციალურ პირთა ქმედებების შეფასება თუ მიმართული იყო პირადად მათკენ.

*მაგალითისთვის : „რა ..... მსაჯობაა!“ და „ რა ..... მსაჯი ხარ !“ ან „ეს ..... ვერ ხედავ ?!“ და „შე ..... ვერ ხედავ ?!“*



რეკომენდირებული დისკვალიფიკაციის ვადები ძირითადი არამართებული ქცევისათვის

მატჩის ოფიციალურ პირთა გადაწყვეტილებებზე საჯაროდ აპელირება	ნაკლებად სერიოზული	გაფრთხილება- 1 კვირა
	სერიოზული	2 – 5 კვირა
მატჩის ოფიციალურ პირთა სიტყვიერი შეურაცხყოფა	ნაკლებად სერიოზული	2-11 კვირა
	სერიოზული	12-52 კვირა
მატჩის ოფიციალურ პირთა ფიზიკური შეურაცხყოფა	ნაკლებად სერიოზული	12-47 კვირა
	სერიოზული	48 კვირა - სამუდამო
მატჩის ოფიციალურ პირთა მიმართ, მუქარის შემცველი ქმედება და/ან სიტყვები	ნაკლებად სერიოზული	12-23 კვირა
	სერიოზული	24-104 კვირა
სიტყვიერი თუ ქმედითი დისკრიმინაცია რელიგიის, რასის, სქესის, სექსუალური ორიენტაციის, უნარების, კანის ფერის თუ ეროვნების ან ეთნიკური წარმოშობის ნიშნით	ნაკლებად სერიოზული	2-17 კვირა
	სერიოზული	18-52 კვირა
მატჩის ოფიციალურ პირთათვის, სადისციპლინო პერსონალისთვის და/ან სრკ-ს წევრთათვის მცდარი ან ცრუ ინფორმაციის მიწოდება	ნაკლებად სერიოზული	2-23 კვირა
	სერიოზული	24-104 კვირა